

Barekendani
Ankowntinerë :
Katakaxag Mek Ararov
t'argmaneal i
gaggierene

Barekendani Ankowtinerè : Katakaxag Mek Ararov t'argmanéal i gaggierene. 1909.

1/ Les contenus accessibles sur le site Gallica sont pour la plupart des reproductions numériques d'oeuvres tombées dans le domaine public provenant des collections de la BnF. Leur réutilisation s'inscrit dans le cadre de la loi n°78-753 du 17 juillet 1978 :

*La réutilisation non commerciale de ces contenus est libre et gratuite dans le respect de la législation en vigueur et notamment du maintien de la mention de source.

*La réutilisation commerciale de ces contenus est payante et fait l'objet d'une licence. Est entendue par réutilisation commerciale la revente de contenus sous forme de produits élaborés ou de fourniture de service.

Cliquer [ici](#) pour accéder aux tarifs et à la licence

2/ Les contenus de Gallica sont la propriété de la BnF au sens de l'article L.2112-1 du code général de la propriété des personnes publiques.

3/ Quelques contenus sont soumis à un régime de réutilisation particulier. Il s'agit :

*des reproductions de documents protégés par un droit d'auteur appartenant à un tiers. Ces documents ne peuvent être réutilisés, sauf dans le cadre de la copie privée, sans l'autorisation préalable du titulaire des droits.

*des reproductions de documents conservés dans les bibliothèques ou autres institutions partenaires. Ceux-ci sont signalés par la mention Source gallica.BnF.fr / Bibliothèque municipale de ... (ou autre partenaire). L'utilisateur est invité à s'informer auprès de ces bibliothèques de leurs conditions de réutilisation.

4/ Gallica constitue une base de données, dont la BnF est le producteur, protégée au sens des articles L341-1 et suivants du code de la propriété intellectuelle.

5/ Les présentes conditions d'utilisation des contenus de Gallica sont régies par la loi française. En cas de réutilisation prévue dans un autre pays, il appartient à chaque utilisateur de vérifier la conformité de son projet avec le droit de ce pays.

6/ L'utilisateur s'engage à respecter les présentes conditions d'utilisation ainsi que la législation en vigueur, notamment en matière de propriété intellectuelle. En cas de non respect de ces dispositions, il est notamment passible d'une amende prévue par la loi du 17 juillet 1978.


7/ Pour obtenir un document de Gallica en haute définition, contacter reutilisation@bnf.fr.

19.9
U. MULLER

Rechtsanwalt

Chancenkammer

Handwritten signature



1483

41327956

ՀՐԱՏԱՐԱԿՈՒԹԻՒՆ ԱՇՃԵԱՆ ԳՐԱՏԱՆ

ԲԱՐԵԿԵՆՆԴԱՆԻ

ԱՆԿՈՒՏԻՆԵՐԸ


ԿԱՏԱԿԱԽԱՂ ՄԷԿ ԱՐԱՐՈՒԱԾ

ԹԱՐԳՄԱՆԵԱԼ Ի ԳԱՂՂԻՆԻՆԻ

ՀԱՅ ԳՐԱՏԱՆ
 ԱՇՃԵԱՆ
 ZURER-EL-ZOZER ԳԱՇԻՐԸ
 H. O. ACHDJIAN
 LIBRAIRE et NEGOCIANT
 de TIMBRES-POSTE
 HAREI-EL-ZOGHEB
 LE CAIRE (Egypte)

Կ. ՊՈԼԻՍ
 Ցպագր. ՋԱՐՆԷ Ն. ՊԵՐՊԵՆՆԻ
 1909

2008-129987



Acg

Ա Ն Ձ Ի Ն Ք

ՄՈՒՋԱՐ , աչքերը ցաւոտ ծերունի վաճառական մը
ԱԼԷՔՍԻ , Մուզարի եղբօր որդին
ՖՐԷՏԷՐԻԳ , Ալէքսիի ընկերը
ԱԼՓՕՆՍ , » »
ՖՐԱՆՍՈՒԱ , » »
ՖԼՕՐԻՆ , Ալէքսիի սիրուհին
ՔԱՄԵԼԻԱ , Ֆրէտէրիգի »
ԺՕՋԼՖԻՆ , Ֆրանսուաի »
ՎԻՕԼԷԹ , Ալֆօնսի »

ԱՆԳՆԵ Կ'Ի Բարիզ

Տեսարանը կը ներկայացնէ գեղեցիկ սրահ մը , խորը ,
ինչպէս և ձախ կողմը դուռ , սեղան և աթոռք :

Բ Ա Ր Ե Կ Ե Ն Դ Ա Ն Ի Ա Ն Կ Ո Ւ Տ Ի Ն Ե Ր Ը

Տ Ե Ս Ի Լ Ա.

Ա Լ Է Ք Ս Ի Ե Ի Օ Ր Ի Ո Ր Դ Ի Ք

Ֆլորին (Ալեքսիին) — Ա՛լ խոստացաք, այնպէս չէ՞ :

Ալէքսի (Մսազբաղ) — Այո՛, օրիորդ :

Ֆլորին (Ընկերացը) — Ուրեմն երթանք պատրաստուինք :

Գամէլիա — Աղուոր Բարեկենդան մը պիտի ընենք :

Ժօզէֆին — Այո՛, այո՛, լաւ պիտի զբօսնունք :

Ֆլորին — Ա.ո այժմ մնաք բարեաւ, Ալէքսի :

Գամէլիա — Տտեսութի՛ւն, միւսիւ Ալէքսի :

Ժօզէֆին — Մի՛ մոռնաք մեզի : (Օրիորդի կը մեկնին)

Ալէքսի — Շնորհակալ եմ, օրիորդք : (Ա.ո անձին) աղուոր

Բարեկենդան մը պիտի ընենք, հը՛, բայց ի՞նչպէս. գրպանիս մէջ կուտ մը չկայ : Նախ և առաջ ասոր մէկ ճարը գտնելու ենք. այո՛, այս անկուտիութեան դարման մը փնտռելու ենք : Երկու շաբաթուան մէջ հօրեղբօրս երեք անգամ նամակ գրեցի, վտանգաւոր հիւանդութեամբ մը տառապիլս խմացուցի, բայց չի պատասխանեց, ստակ մը չի դրկեց. ես ալ բարկացած մեռայ. ուստի հիմա, յուզարկաւորութեանս համար անհրաժեշտ եղած ծախքին պատկառելի գումարը թող դրկէ : Թէպէտ և խեղճ մարդը իրաւունք ունէր նայն նամակներուս չի պատասխանելու, վասն զի ծնողացս մեռնելէն ի վեր՝ նա զիս աղէկ խնամեց և ուսմունքս կատարելագործելու համար մինչեւ Բարիզ դրկեց, ուր չորս տարի է կը բնակիմ, բայց վարժարանին մէջ, սիրահարութենէ ուրիշ բան մը սորված չունիմ, առջի գիտցածներս ալ մոռցայ : Հօրեղբօրմէս գրքի, թուղթի, գրչի ու մեղանի համար քաջած գումարներս գարեջրատուններուն մէջ լմնցուցի, և վերջապէս մարդը վարպետ ելաւ ու գրած սուտերուս ա՛լ սկսաւ ահանջ չի կախել, որով պարտաւորեցայ վերջին փորձ մը ընել : Ֆրետերիզ ընկերոջս աղաչեցի, անոր կողմէն հօրեղբօրս սեղոյիս նամակ մը գրել տուի, որուն մէջ, իմ ժանտատենդէ մեռնիլս կը գուժէ և անկէ կը պահանջէ յուզարկաւորութեանս համար ըւալիք ծախքը : Բայց պիտի ըսէք թէ վերջապէս օր մը ողջ ըլլալս ի՞նչպէս պիտի խմացնենք մեր ձերուկին, է՛հ, այն ալ հաքը կը մտածենք : Հիմա նայինք որ Ֆրետերիզ վերագառնայ նամակատունէն, ուր քիչ մը առաջ՝ հօրեղբօրէս գալիք ըստակները առնելու գնաց : Ա՛հ, վայրկեան մը առաջ ձեռքս հասնէր սա ոսկիները. ո՛ւր մնացիր, Ֆրետերիզ, շուտ ե-

կուր. (Ներսէն երգողի մը ձայն) : Ինքն է . . . յաջողած ըլլալուն համար ուրախութենէն կ'երգէ : (Իռնէն կը նայի) Ա՛, ան չէ, Ալֆօնսն է եղեր :

Տ Ե Ս Ի Լ Բ.

ՆՈՅՆ ԵՒ ԱԼՖՕՆՍ

Ալէքսի — Ի՞նչ լուր, բարեկամ :

Ալֆօնս — Առ այժմ ձեռքերս պարապ գրպաններուս մէջ դրած՝ վեր վար պտտելէս ուրիշ լուր մը չունիմ :

Ալէքսի — Ֆրէտէրիգը չի տեսա՞ր :

Ալֆօնս — Ո՛չ :

Ալէքսի — Ուրե՛մն . . . : Ինձի նայէ, չե՞նք կրնար մէկէն փոխառութիւն մ'ընել :

Ալֆօնս — Եղբայ՛ր, չորս տարի է որ աս վարժարանին մէջն ենք, ես այս պատիճան դրամական նեղ կացութիւն չէի տեսեր. առաջները, հարիւրին 3—4 տոկոսով շատ դիւրութեամբ կրնայինք փոխառութիւններ ընել, զոր ամսագլխուն մեր ծնողքներէն առած ամսականներնէս կը հատուցանէինք. բայց հիմա, եթէ ինքզինքնիս ալ աւանդ թողունք, կուտ մը չեն տար մեզի, եղբայ՛ր :

Ալէքսի — Բայց այդ թշուառական սեղանաւորները չե՞ն մտածեր թէ ի՞նչպէս պիտի անցունենք մենք Բարեկենդանը : Մտածէ՛ անգամ մը, եղբայր, դուն սիրուհի մը ունենաս, որ կը խնդրէ Բարեկենդանը հետդ անցունել, դուն ալ խոստացած ըլլաս, բայց ետքը՝ . . . ա՛հ, հիմա կը թռցնեմ . . . գլրպանդ կուտ մը չըլլա՛յ . . . ասկէ աւելի ցաւալի վիճակ մը կ'ըլլա՞յ, այս սեղանաւորները դու՛ք ըսած բանդ ամենաւին չունին :

Ալֆօնս — Զարմանալի խօսքեր կ'ընես, Ալէքսի, այդ տեսակ մարդոց քով գու՛թ և կարեկցութի՛ւն կը փնտռես, մըտածէ՛ անգամ մը թէ գրելու համար գործածած գրիչներնիս երկաթ, պատառաքաղնիս երկաթ, դգալներնիս երկաթ, կերակուրներնուս, ջուրերնուս ամանները երկաթ, մինչեւ իսկ անկողիններնիս երկաթի վրայ տարածուած են, է՛, ուրե՛մն, այսչափ երկաթի մէջ ապրող մարդուն սիրտն ալ մի՛թէ երկաթի չի՞ փոխուիր :

Ալէքսի — Բայց ասանկ չըլլար, ճար մը գտնալու ենք :

Ալֆօնս — Ես գտայ :

Ալէքսի — Ի՞նչպէս :

Ալֆօնս — Ֆրէտէրիգէն կ'ուզինք :

Ալէքսի — Օ՛, գտա՛ր ունեցողը :

Ալֆօնս — Ուրեմն Ծրանսուաէն կ'ուզենք , անոր համար ըսելիք մը չունիս ա՛ :

Ալէքսի — Էօ՛Ֆ , պարապ խօսքերով սիրտս մի՛ նեղացներ Ալֆօնս , մեզի պէս այդ անկուտիներուն ալ խօսքը մի՛ ըներ :

Ալֆօնս — Ուրեմն ի՞նչ ընենք :

Ալէքսի — Դուն քանի՞ ֆրանք ունիս :

Ալֆօնս — Երկու ֆրանք ունիմ , եթէ իմ բաժինիս ինկածը այսչափ է՝ կուտամ :

Ալէքսի — Երեք ֆրանք ալ ես ունիմ :

Ալֆօնս — Երկու երեք ալ՝ հինգ :

Ալէքսի — Հինգ ֆրանքով Բարեկենդան կ'ըլլա՞յ :

Ալֆօնս — Իրաւ որ չեմ գիտեր (Կը մտածեմ) :

Ալէքսի — Ի՞նչ կը մտածես :

Ալֆօնս — Միտքս միջոց մը եկաւ , բայց արդեօք կը յաջողի՞նք :

Ալէքսի — Ի՞նչ միջոց , ըսէ՛ , կ'աղաչեմ :

Ալֆօնս — Սա . . . սա գիմացը նստող հանդիսատես պարոններէն ուզենք կ'ըսեմ , թերեւս մեր վրայ կը խղճան :

Ալէքսի — Մէյ մը փորձենք , բերաննիս չի յոգնիր ա՛ :

(Միաբերան կ'երգեն)

Բարեկենդանի անկուտիներն ենք ,
Գիշեր ու ցորեկ մենք հով կը կլենք ,
Տեսնողը մեզ խիստ հարուստ կը կարծէ ,
Կուչտը անօթիին վիճակը ի՞նչ գիտէ :

Ալէքսի — Կեցիր , ոտքի ձայն կայ . դէպի հոս մէկը կուգայ . (Խորի դոնէն նայելով) ո՛հ , Ծրանսուան է եղեր . . . աւա՛ղ , Ծրէտէրիգ չերեւար տակաւին :

Տ Ե Ս Թ Ը Պ .
ՆՈՅՆՔ , ՖՐԱՆՍՈՒՍ . (եսիր) ՖՐԷՏԷՐԻԳ

Ֆրան — Բարեւ ձեզ , ընկերք :

Ալէքսի — Ֆրէտէրիգը տեսա՞ր :

Ալֆօնս — Ի՞նչ լուր :

Ֆրան — Ոչի՛նչ :

Ալէք — Եւ ինչո՞ւ այդչափ կարմրեր ես :

Ֆրան — Պատճառը կ'ուզէ՞ք հասկնալ :

Ալֆ — Այո՛ , այո՛ , հասկնալու ենք :

Ֆրան — Յայտնի է ես՛ , անկուտիութիւնն է . նամակա-

տունը գացեր էի՝ մօրս կողմէն եկած նամակը առնելու :

Ալֆ — Լա՛ւ, առի՞ր :

Ֆրան — Այո՛, մայրս ինձմէ ստակ ուզեր էր, ո՞ւսկից պիտի տամ. մեզի պէս ուսանողին գրպանը դրամ կը գտնուի՞, թող թէ խեղճ կինը իրաւունք ունի, վասն զի բժշկութեան վկայագիրս պիտի առնեմ ըսելով՝ զինքը խաբած և կլորիկ գուժար մը ձեռքէն առած էի. խեղճը հիմա զիս առաջին կարգի բժիշկ մը կը կարծէ և ասոր համար ստակ կ'ուզէ. այս անպատեհութեան առաջքն առնելու համար Ֆրէտէրիգէն մէկ երկու նարուէսն ուզեցի, չի տուաւ, ես ալ բարկացայ և շունչս գինետունը առնելով՝ քանի մը հատ իրարու վրայ նետեցի. ահա ասկէ առաջ եկաւ դէմքիս կարմրութիւնը :

Ալէքս — Ֆրէտէրիգը տեսա՞ր :

Ֆրան — Այո՛, նամակատան մէջ :

Ալէքս (Ուրախ) — Ուրեմն եկուր մէյ մը քեզ համբուրեմ (Կը համբուրէ) :

Ֆրան (Ձարմանով) — Աս ի՞նչ ըսել է :

Ալէք — Ձեռքը ծրար մը, բան մը կա՞ր :

Ֆրան — Ա՛, կ'երեւի թէ դուք դեռ բան մը չէք գիտեր. աս աղէկ :

Ալֆ (Յաճեմ Այկեսիին) — Լեզուին տակը բան մը կայ :

Ալէք — Ֆրանսուա, ի սէր բարեկամութեան, տեսածդ կամ լսածդ մեզի պատմէ՛ :

Ֆրանս — Եթէ պատմեմ, կը խոստանամ ինձի հինգ նարուէսնի չափ փոխառութիւն մը ընել :

Ալէքս — Կը խոստանամ :

Ֆրան — Սիրուհիիդ վրայ երդում մը ըրէ :

Ալէք — Ո՛հ, մ'երկնցնե՛ր, կուտամ ըսի քեզի :

Ալֆ — Կուտայ, կուտայ, ես ալ կը վկայեմ :

Ֆրան — Ուրեմն աչքդ լոյս, հօրեղբայրդ քեզի 60 սկի զրկեր է, Ֆրէտէրիգ՝ այն 60 սկիի կոււրօն ձեռքը նամակատունէն ինձմէ առաջ մեկնեցաւ :

Ալէքս — Հէ՞, իրա՞ւ կ'ըսես, ուրեմն անգամ մ'ալ պիտի համբուրեմ զքեզ : (Կը համբուրէ)

Ֆրան — Վերջապէս, գործերնիս կարգի մտաւ :

Ալէք — Բայց Ֆրէտէրիգը ո՞ւր մնաց, ո՛հ, մէյ մը սա՛ սկիները տեսնէի՞, ուրախութենէս հիմա պիտի թռցնեմ :

Ֆրան — Չելլես ատանկ տխմարութիւն մը ընես. ետքը

հինգ նարուէոնը ո՞ւսկից պիտի առնեմ:

Ալֆ — Ասկէց զատ, քեզ ո՞վ պիտի կապէ:

Ալէք — Սա անպիտաններուն նայեցէ՛ք, մինակ ինքզինքնին կը մտածեն, զիս չեն մեղքնար: Ա՛հ, Ֆրէտէրիգ, ո՞ւր մնացիր: (Ֆրէտէրիգ կը մտնէ, կռուբօն ձեռքը)

Տ Ե Ս Ի Լ Ք.

ՆՈՅՆՔ ԵՒ ՖՐԷՏԷՐԻԳ

Ֆրէտէրիգ — Եկայ, եկայ:

Ալէք — Ստակները:

Ֆրէտ — Հրամմեցէ՛ք: (Կուսայ)

Ալէք — Ո՛հ, շնորհակալ եմ, (Կ'սկսի համբել)

Ֆրէտ — Ձեզի բան մը ըսե՞մ, բարեկամներս, եթէ վարժարանի միւս ընկերներս մեր ասանկ մեռնել կեղծելնուս շնորհիւ ստակ ճարած ըլլալնիս իմանան, տարի մը չանցած՝ վարժարանին մէջ ողջ մնացած ուսանող մը չը պիտի գտնուի. ամենքն ալ իրենց ծնողքներէն ստակ քաշելու համար պիտի մեռնին:

Ալէք — Ճիշդ է, վաթսուսն հատ կարմրուկ ոսկիներ, բայց անգամ մը մտածեցէ՛ք, եղբարք, ի՞նչ աստիճան դժուրութիւն ունի սա՛ կլորիկ մետաղը, որ անմիջապէս լուսաւորից այս մուտք սրահը:

Ֆրան — Այո՛, ճշմարիտ է, միանգամայն մեր սրտերուն երջանկութիւն պատճառեց:

Ալէքս — Ուրեմն կ'առաջարկեմ որ երեքս ալ ծունգի վըրայ եկած, փառարանինք այս ամենազօր մետաղը (Քսակը արոճին վրայ դնելէն ետք անոր առջին ծունգի վրայ՝ կ'ըսէ) Քեզի համար սիրով գոհեմ կեանքս, հոգիս, ո՛ր տէր դրամ, Գթա՛ ինձի և ողորմէ՛, եկո՛ւր, մտիր դու իմ գրպան:

Աշխարհի մէջ մարդը շարժող մեքենան միայն դու ես,

Գիշեր ցորեկ պաղատիմ քեզ որ չի պակսիս իմ գրպանէս:

Ամենքը (Միաբերան) — Ձի քո է կարողութուն, քո է զգուրութիւն, ո՛ր կլորիկ մետաղիկ,

Այցելէ՛ մեզի գէթ տարին հեղ մը, մե՛նք ենք քու գերիդ:

Ֆրէ (Նոյհայես) — Քու շնորհիւդ գոց դռները կը բացուին, Թուի՛նկ ձայնէդ՝ անդամալոյծք իսկ կանգնին.

Տգեղը՝ գեղանի, խռճածը՝ սիրուն, շնորհիւրդ կ'ըլլան.

Ակռանին թափած, փատցած աղջիկներ աղուոր էրկան տիրանան:

Ամենքը — Ձի քո է կարողութիւն, և այլն :

Ալֆ (Նոյնպէս) — Դու ես որ անմիտը խելացի ցուցնես ,
Չորս խօսք չգիտցողը գիտուն հռչակես .

Ճշմարտախօս անկուտիին ականջ կը գոցես ,

Չաժեմը աժեմին կը նախադասես :

Ամենքը (Նոյնպէս) — Ձի քո է կարողութիւն, և այլն :

Ֆրան — է՛, պարոններ, աղօթքնիս ըրինք, ո՞ւր է սա
մեր հինգ նարսէտներ :

Ալէք — Ձգէ՛, հոգիդ սիրես, կատակի ժամանակ չէ :

Ֆրան — Ի՞նչպէս կատակ, յիշէ խոստումդ :

Ալէք — Ա՛ռ, ա՛ռ, մ՛երկնացներ, ու գնա՛ օրիորդները հոս
կանչէ :

Ֆրան — Օրիորդները ո՞ւր են :

Ալէք — Ո՞ւր պիտի ըլլան, ներսի սրահը : Ամենքս ալ
հաւաքուինք ու ընելիքնիս որոշենք : Ա՛լֆօնս, դուն սա
երեք ոսկին ա՛ռ, ըմպելիքներն ու մրգեղէնները պատրաս-
տէ, դուն ալ Ֆրէտէրիք, նուագածուները սակարկէ :

Ֆրէ — Այս ամենը աղէկ, բայց քեզի բան մը պիտի ը-
սեմ, հօրեղբորդ ինձ գրած նամակը անապարանօք կարդա-
լուս, քանի մը տող յետ գրութեանը դեռ չեմ կարդացած .
տեսնունք ի՞նչ է գրեր :

Ալէք — Կարդա՛ նայինք :

Ֆրէ (Նամակին յետ գրութեանը աչի անցունելէ ետք) — Ա՛յ,
ա՛յ, ա՛յ, տեսա՞ք զմի փորձանքը, կեցէք, օրիորդներ մի՛
կանչէք, որո՞ւ մտքէն կ'անցնէր, խնդիրը կնճռոտեցաւ :

Ֆրան — Խեր ըլլայ, ի՞նչ կայ որ . . .

Ալֆ — Կարդացէ՛ք որ հասկնանք :

Ֆրէ — Հօրեղբայրդ կ'իմացնէ որ այսօր՝ ժամը 9ին հոս
գալով, յուղարկաւ որութեանդ հանդէսին ներկայ պիտի
գտնուի, և իր վերջին համբոյրը պիտի դրոշմէ եղեր քու
պաղ ճակատիդ :

Ալէք — Տղայութիւն չուլեր, Ֆրէտէրիգ, կատակի ալ
ատեն չէ. ողջ եղած ատենս դիս չի համբուրողը մեռնելէս
ետքը դիակս կը համբուրէ՞ :

Ֆրէ — Ահա դուք ալ նայեցէք թէ սո՞ւտ է ըսածս : (Չե-
գելով) Կօ այբ մէն՝

Ամենքը — Համ .

Ֆրէ — Բէն ոյր

Ամենքը — Բոյր ,

Տրէ — Համբոյր :

Ամենքը — Համբոյր :

Ալէք — Է՛յ , հիմա ի՞նչ պիտի ընենք :

Տրէ — Իրաւ որ ես ալ չգիտեմ :

Ալֆ — Խնդալս փորս մնաց :

Ալէք — Ժամը քանի՞ն պիտի գայ , ըսիք :

Տրէ — Իննիւն :

Տրան — Այս հաշուով , հիմակ ուր է նէ կուգայ :

Տրէ — Բայց ասոր ճար մը գտնելու ենք :

Ալֆ . — Ինձի հարցնէք նէ՛ իրաւցնէ մեռնելէ ուրիշ ճար չի կայ :

Ալէք — Ի՞նչ , 60 ոսկիի համար մեռած ունի՞ս մի :

Ալֆ — Դուն գիտես , բայց գոնէ մեռած ձեւանալու է , ապա թէ ոչ , խարդախութիւնը մերկապարանոց կ'ըլլայ :

Տրէ — Անանկ է , ուրիշ ճար չի կայ , սուտ մեռել պիտի ըլլաս . արդէն որոշումնիս ալ ասանկ չէ՛ր :

Ալէք — Բայց եթէ հօրեղբայրս հիւանդութիւնս հասկնալու համար զիս դարմանող բժիշկը տեսնել ուզէ . . .

Տրան — Տրէտէրի՛գ , դուն դասերուդ մէջ մեղմէ յառաջագէմ ես , շինծու մօրուք մը ու ծայրերը երկայն վիզնոց մը դնելով Լատիներէնի պէս քանի մը բառ կ'արտասանես , Ալէքսի՛ն դարմանող բժիշկը եղած կ'ըլլաս . ես ալ , թաղու՛մը կատարող քահանան կ'ըլլամ , ասանկով , ժարդուկին ձեռքէն ինչ փրցունենք նէ՛ շահ է :

Ալֆ . — Է՛ , ես ի՞նչ պիտի ընեմ , ինձի ալ պաշտօն մը :

Տրէտ — Դուն ալ դեղագործ կը ձեւանաս ու սուած դեղերուդ փոխարէնը կը պահանջես :

Ալէք — Արդէն բաւական ալ Լատիներէն գիտես :

Տրան — Ապրինք , բարեկամներ , որոշուեցաւ :

Ալէք — Ժամը քանի՞ն է արդեօք :

Տրէ (Նայելով) — Ճիշդ ութ ու կէսն է . կէս ժամէն մարդուկնիս հոս կը հասնի :

Ալէք — Ուրեմն Տրանսուա , գնա՛յ մեր բարեկամուհիները վարպետութեամբ մը համոզէ որ հիմակու հիմա հոս չի գան :

Տրան — Դուք անհոգ եղէք , ահա կ'երթամ . (Կը մեկնի) :

Ալէք — Հիմա մենք ի՞նչ պիտի ընենք :

Տրէ — Ընելիքնիս յայտնի է . սա սեղանին վրայ պիտի

երկննաս, մեռել ձեւանաս, շունչդ պիտի բռնես, չի պիտի հազաս, չի պիտի փռնդտաս. ձերմակ սաւանի մէջ քեզ կը փաթթենք, գլխուդ վերեւն ալ ճրագ մը, եղաւ գնաց. ծերունին ալ պիտի կլլէ:

Ալէք — Ուրեմն շուտ ըրէք, ժամանակը կ'անցնի:

Ալֆ (Սաւանը Ծրեքիզին տալով) — Ա՛ռ, նայինք:

Յրէտ (Ալեքսիին) — Պառկէ նայինք. (Ալեքսի սեղանին վրայ կը տարածուի, սաւանով կը ծածկեն, գլխուն վերեւն ալ վառուած ճրագ մը կը դնեն):

Ալէք — Բայց ես հոս պիտի խեղդուիմ:

Յրէ — Բան չես ըլլար. հա՛, կեցիր, կարեւորը մտնանք, քիչ մը բուտրայով սա երեսիդ կարմրութիւնը անյայտացնելու ենք: (Բուտրա կը տա):

Ալէք — Հէ... հէ... հէփշո՛ւ:

Յրէ — Ա՛, այդ չեղաւ, միթէ մեռելը կը փռնդտայ:

Ալէք — Թը՛շուառական, այդ փոշին եթէ քու հանգուցնուլ մեծ մօրդ քիթին ալ թխմին կը փռնդտայ:

Յրէ — Լռէ՛, սաքի ձայն կայ, ինքն ըլլալու է, պառկէ՛, մ'երերար: (Լալով) ա՛հ, հի՛ւ, հի՛ւ:

Տ Ե Ս Ի Լ Ե.

ՆՈՅՆՔ ԵՒ ՅՐԱՆՍՈՒԱ, ԵՏՔԸ ՄՈՒՋԱՐ

Յրան (Լալով կը մտնի) — Ա՛հ, հի՛ւ, հի՛ւ, հի՛ւ.

Յրէտ — Հէ՞, ո՞վ է:

Ալէք (Նստելով) — Հէ՞:

Յրէ — Ի՞նչ գգու՛մ գլուխ մարդ ես, Յրա՛նաւա. սիրտս փրթաւ. քու ըլլալդ չիմացնե՛ս:

Յրան — Ի՞նչ գիտնամ, եղբայր, ներս մտած ատենս լալու ձայներնիդ տանելովս կարծեցի թէ ծերուկը եկեր է:

Ալէք — Օրիորդները համոզեցի՞ր:

Յրան — Մինչեւ որ համոզեցի, խերս անիծուեցաւ. բայց եթէ ուշանաք՝ իրենք հոս պիտի գան:

Ալէք — Չը՛լար, չը՛լար. ծերուկին հոս եղած ատենը եթէ անոնք վրայ գան, կը խայտառակուինք:

Յրան — Անհոգ եղիք, ես զիրենք կը համոզեմ:

Ալֆ (Վազելով) — Լռեցէ՛ք, մարդուկնիս եկաւ. սանդուխէն վեր կ'ելլէ... ամեն մարդ իր գործին. (Յրանուա կը մեկնի), Ալէ՛քսի, շուտ ըրէ, պառկէ՛, շունչ մ'ա՛ռներ, (Ծրեքիզի հետ կուլայ) հի՛ւ, հի՛ւ, հի՛ւ.

Մուզար (Լայով կը մսնե) — Ա՛հ, հի՛ւ, ի՛ւ, ի՛ւ, խեղճ
 եղբորորդիս, արդեօք ի՞նչ վիճակի մէջ պիտի տեսնեմ զին-
 քը. աս տարիքիս մէջ, աս կսկիծը տեսնելո՞ւ էի: Ա՛հ, ին-
 չո՞ւ զիս աշխարհիս երեսը մինակ կը թողուս, դու որ իմ
 մխիթարութիւնս էիր:

Ֆրէտ — Տէ՛ր իմ, մխիթարուեցէ՛ք, այդչափ կսկիծը ցա-
 ւալի արկածի մը պատճառ կրնայ ըլլալ ձեզի համար:

Մուզ — Ո՛հ, ձգեցէք որ քիչ մը լամ. խեղճ եղբորոր-
 դիս, աս ի՞նչ ծանր հարուած էր որ իմ սրտիս տուիր.
 (Մեկուսի) թերեւս ասոնք իր բարեկամներն են, (Բարձր)
 բարի լոյս ձեզ, սյարո՞ններ:

Ֆրէտ — Բարի իրիկուն. սյարո՞ն:

Մուզ — Առտո՞ւ է մի իրիկուն. խելքս գլուխս չէ որ:

Ֆրէ — Երկու օր է որ մեր գլուխն ալ խելք չի մնաց,
 այս տղուն մահը անմխիթար կերպով խոցոտեց ամենուս
 սիրտը:

Մուզ — Աս տարիքին մէջ, այնչափ ուսմունք սորվելէն
 ետքը պէ՞տք էր որ մեռնէր. դեռ տասն օր առաջ ինձի
 նամակ գրեց, հիւանդութիւն մը՝ բան մը չունէր:

Ֆրէ — Իրաւունք ունիք, պարոն, բայց պէտք է գիտնալ
 թէ հիւանդութիւն ըսուածը ամսուան օրուան չի նայիր,
 մէկէն ի մէկ կուգայ ու կ'առնէ կը տանի: Թէպէտ եւ զին-
 քը ազատելու համար մեր ձեռքէն եկածը ըրինք, բայց
 նենգաւոր մահը մեր ամեն ջանքերը ոչնչացուց:

Մուզ — Ըսել է որ սաստիկ իջուածք մըն էր:

Ֆրէ — Ո՛չ, իջնելու ելնելու բան մը չունէր. ծառանիդ՝
 հանգուցեալին թէ սրտակից մտերիմը և թէ բժիշկն ըլլա-
 լուս, վայրկեան մը իսկ քովէն չի հեռացայ:


Մուզ — Ի՞նչ էր իր հիւանդութիւնը:

Ֆրէ (Շուարած) — Բան... ինքը... բանը, այսինքն գիր
 գրած ատենը յանկարծ ջիղերը բռնուեցաւ, տենդային հի-
 ւանդութեան մը առաջքն առնելու համար անմիջապէս ոտ-
 քերը տաք ջուրը դնել տուի:

Մուզ — Ո՛հ, սոսկալի՞ բան:

Ֆրէ — Ասոր վրայ՝ քիչ մը աչքերը բացաւ, ո՞հ, երանի
 թէ չի բանար, վասն զի սկսաւ սաստիկ ցաւեր զգալ ու
 մարդուս սիրտը գալարող աղեկտուր ձայներ արձակել. վեր-
 ջապէս, ժամը... ժամը...

Ալէք — Եօթնին:



Ալֆ — Ութնին :

Տրէ — Իննին հոգին աւանդեց :

Մուզ — Վահ, դժբաղդ եղբորորդիս. հիւ, հիւ, հիւ. բայց պարոն, քանի որ դուք բժիշկ եմ կ'ըսէք, անշուշտ իր հիւանդութեան ինչ ըլլալը գիտէք. ըսէ՛ք, ինչէ՞ն մեռաւ :

Տրէ — Ինչէն պիտի մեռնի, այս հիւանդութեան Լատինա-Յունարէն անունը՝ «Ամուրոս, անկուսիոս, անարժափս» է: Իր ըղեղին մէջ խել մը Քուրսք լիֆօաներում, ազուա իքամ կոչուած ջղերուն թուլութենէն յառաջ կուգայ տենդը. ահա դեղագործն ալ այս պարոնն է. կրնաք իրեն հարցնել, այնչափ զօրաւոր դեղեր տուի, բայց թշուառական հիւանդութիւնը ամենեւին կարեւորութիւն չտալով անոնց՝ իւր կամակորութեամբը յաղթեց :

Մուզ — Անշուշտ թէ՛ զօրաւոր և թէ՛ սուղ դեղեր :

Ալֆ — Ո՛չ, ընդհակառակը խիստ աժան և օգտակար դեղեր. եթէ անոնց անունը լսէք, դուք ալ հիւանդանալու փափաք մը կ'ունենաք :

Մուզ — Աստուած չընէ. եթէ ես հիւընդնամ, քիչ մը կակժերակ (Խրեարեհնային մանուկ) կ'առնեմ.

Տրէ — Ադկէ ալ տուինք հանգուցեալին, բայց...

Ալֆ — Գրեիս ալ տուինք, արիւն ալ տուինք, բայց ամենեւին օգուտ մը չըրաւ :

Տրէ — Հիւանդութիւնը խիստ զօրաւոր ըլլալուն՝ զմեզ հոս ձգեց, գնաց. ա՛հ, հիւ, հիւ, հիւ :

Մուզ (Կուլայ) — Հիւ, հիւ, գոնէ դուք մի՛ լսք, հիւ :

Ալէք (Պառկած տեղեկ) — Հէփշո՛ւ :

Մուզ — Հէ՞, ադ փռնգտացողը ո՞վ էր :

Տրէ — Ես էի, պարոն :

Մուզ — Ուրեմն խեր ըլլայ :

Տրէ — Շնորհակալ եմ : (Կամաց մը Ալեքսիի՛ն) Ի՞նչ ապուր կ'ուտես, տղայ, փռնգտալու ատե՞նը գտար :

Ալէք (Կամաց) — Եղբայր, ի՞նչ ընեմ, քիթս սարսափելի կերպով կը կեռայ, հէփշո՛ւ :

Տրէ (Շուարեյով Մուզարի կ'ըսէ) — Խեր ըլլայ, պարոն :

Մուզ — Ի՞նչպէս, փռնգտացողը ե՞ս էի :

Ալֆ — Այո՛, պարոն, դուք էիք :

Մուզ — Շատ բան, շատ բան, շնորհակալ եմ. այն ատիճան շուարիք եմ սրտիս ցաւէն որ ըրածս չգիտեմ :

Ալֆ — Բնականաբար այդպէս կ'ըլլայ, տէր իմ :

Ալէք — Հէփշո՛ւ :

Տրէ (Կամաց) — Ա՛յ գետինն անցնի քիթդ . (Ալֆօնսին)
անցած ըլլայ, բարեկամ :

Ալֆ — Շնորհակալ եմ :

Մուզ — Այս անգամ փոնգտացողը դ՞ո՛ւք էիք :

Ալֆ — Այո՛, պարոն, ես էի :

Մուզ — Ուրեմն խեր ըլլայ :

Ալֆ — Շնորհակալ եմ, պարոն :

Մուզ — Ո՞ւր է, գեղերուն հաշուեցուցակը չի տեսանք տակաւին . ես պարտք չեմ սիրեր :

Ալֆ — Բայց ... տէր իմ ... ո՛չ, ո՛չ :

Մուզ — Է՛, է՛, ես այնտեղուանքը չեմ . եղբօրորդիս չեմ ուզեր պարտքով պառկեցնել, հիմա պիտի վճարեմ :

Ալֆ — Բայց ես իմ սրտակից բարեկամիս համար ըրած ծախքերս բերանս անգամ առնել չեմ ուզեր :

Տրէ — Ո՛չ, միւսիւ Ալֆօնս, այնպէս չէ . (Կամաց) Ի՞նչ ապուր կ'ուտես կոր, (Բարձր) Թողէք որ պարոնը ուզածին պէս ընէ . ասանք հին մարդիկներ են, մեզի պէս պարտական մնալէ չեն ախորժիր :

Ալֆ — Այդ ուրիշ խնդիր . ուրեմն պարոնին կամքը յարգելու եմ : Ահաւասիկ գեղօրէից հաշուեցուցակը, բայց խըթին իտալերէն է, եթէ կը հրամայէք՝ կարդամ :

Մուզ — Ձեզի ձանձրութիւն չըլլար նէ՛ կարդացէք, եղբօրորդւոյս ինչ տեսակ գեղերով մեռնիլը կ'ուզեմ հասկնալ :

Ալֆ — Շատ աղէկ պարոն, ուրեմն մտիկ ըրէք (Կարդալով) «Բարիցի մէջ առաջին կարգի գեղարան մը ըլլալով, 1863ին արծաթ և 1866ին ոսկի շքադրամով վարձատրուած համրաւաւոր Պ. Ալֆօնս տը Չլմպրնի, Հօգման Եուտման և Հօֆմանի կողմէ պատրաստուած գեղերը որ...»

Մուզ — Ներեցէք, պարոն գեղագործ, այդ երկայն յառաջարանը անցէ՛ք, գեղերուն անունը ըսէք :

Ալֆ — Ահա կը սկսիմ . առաջին անգամ «Աճուա սիջիիզի սօֆար եւ մեքա բօյօրա, նաև եիեանգաթի բօյօրա բօյօսում, բօյօր քեսթի սեյ բաբօւասմամ, սուսիչի, գունցիչի, սեսիչի ...»

Մուզ — Սէտլի՞ճ ալ տուիք :

Ալֆ — Այո՛, պարոն, քանի որ սէտլիճը կը ճանչնաք, անոր ի՞նչ աստիճանի զօրաւոր գեղ մը ըլլալն ալ անշուշտ գիտէք . անկէ զատ տուինք նաև Ագուա միգերայիս, արու

պի չիճեալիս, բօրե բօրբօր բօրսմ բրե, չիթիթա բօմ եւ տում,
գօգտում թի գօգտում, բօյօրե թի բօյօրսմում...

Մուզ — Աս սրչափ մօմ դրեր էք դեղերուն մէջ:

Ալֆ — Տօգթօրին հրամանը ասանկ էր: Մտիկ ըրէք, նոյն
օրը իրիկուան դէմ Պարոն տօքթօրին Վրդ դեղագիրն էր.
Րեճթեքի, բեխքի, բեչեունի, պրապիչի, թեքմս, թի գառ, թի
գուար, վերջը չիգար, ուվիռ, մուվիռ, չուսուիր, խելի չհասնիր

Մուզ — Հէ', հէ', ի՞նչ ըսիր:

Ալֆ (Շարունակելով) — Մեճեալե ֆերմիզ, թեճուռա,
մարթիս, բասեչի, բասեչսի, մուսեջե, մուսիջիսի, բասիտօր,
բասանասի, բաս օտայ, բաս աւանագ...

Մուզ — Աղբար, եղբօրորդիս այս ամենը կլլե՞ց:

Ալֆ — Ուզեր չուզեր պիտի կլլէր:

Մուզ — Շատ բան, ի՞նչ զարմանալի անուաներ:

Ֆրէ — Մի՛ զարմանաք պարոն, այս ամենը նոր գտնուած
դեղեր են:

Մուզ — Ինչ որ է, գումարը ըսէ՛:

Ալֆ — Շատ աղէկ, գումարը որ լատիններէն չէ, պիտի
կրնաք հասկնալ. գրեխ տպուկ, օջարակ, կակժերակ, փո-
շի, մոշի այլովքն հանդերձ 575 ֆրանք 75 սանդիւմ:

Մուզ — Խեղճ Ալէքսիս. աղէկ ա՛, պարոն տօքթօր,
այսչափ դեղը շատ չէ՞ր իրեն համար:

Ֆրէ — Ընդհակառակն քիչ գալուն համար մեռաւ. ա՛հ,
հի՛ւ, հի՛ւ, հի՛ւ:

Մուզ — Մի՛ լաք, մի՛ լաք, իմ սիրտս ալ թունդ մի՛
հանէք. (Ալէքսիսի ստակ սայով) փառք Աստուծոյ որ խըղ-
ճահար դեղագործի մը հանդիպեցանք, եթէ անգութ և ան-
կարեկիր մէկը ըլլար, ստկուած սոխի պիտի դարձնէր զիս:

Ալֆ — Երանի՛ թէ ինքը ողջ ըլլար և ես ասոնք չատնէի:

Ֆրէ — Ի՞նչ օգուտ, բարեկամս, մխիթարուելու ենք:

Ալֆ — Ո՛հ, գոնէ վերջին անգամ զի՛նքը տեսնեմ. հի՛ւ:

Ֆրէ (Վամաց) — Ուրախութենէդ կուլաս, այնպէս չէ՞:

Ալֆ (Նոյնպէս) — Լոէ՛, 25 նարուէոն րրցուցի:

Մուզ — Իրաւ հաւատարիմ բարեկամներ են եղեր:

Ալֆ — Մնաս բարով սիրելի Ալէքսի՛, ընդունէ՛ իմ յետին
ողջոյնս. (Մուզարի) ձեր հրամանաւը կը մեկնիմ, պարոն:

Մուզ — Ա՛հ, շնորհակալ եմ, հի՛ւ, հի՛ւ. (Ալֆ. կր մեկնի):
Աս աղեկատուը տեսարանին առջիւ մարդ եղիր ու դիմացիր:

հիւ, հիւ: Ո՛հ, ներեցէք Պ. սօքթօր, ձեր այցելագիւնը չի մոռնանք. առէք սա քսակը, կը յուսամ թէ գոհ կը մնաք:

Ֆրէ — Ի՞նչ կ'ընէք, պարոն, ես իմ բարեկամիս մատուցած փոքրիկ ծառայութեանս փոխարէն բան չեմ ուզեր:

Մուզ — Աղէկ. բայց դուք ալ արհեստը ձրի չէք սորվեր:

Ֆրէ — Շատ իրաւացի են ձեր այդ խօսքերը. արհեստը սովորելու համար շատ ծախք ըրած ենք, բայց ի՞նչ կ'ըլլայ, ես իմ բարեկամիս համար 20 այցելագիւն, այսինքն 20 սակի չառնելովս չեմ կործանիր:

Մուզ (Մեկուսի) — Ըսել է որ 20 սակի տալու է. (Բարձր) կը յուսամ թէ ատոր մէջ 20 սակի պիտի գտնէք, բայց եթէ...

Ֆրէ — Հոգ չէ, պակասածը ետքն ալ կրնաք դրկել:

Մուզ — Եղբորորդւոյս ընկերներէն Պ. Ֆրէտէրիգը անգամ մը տեսնել կ'ուզէի, որ ինձի նամակ մը դրկած էր:

Ֆրէ — Այն անձը այս միջոցիս յուղարկաւորութեան հանդէսին կարգադրութեամբը գրաւած ըլլալուն, աւսի՛ղ, չպիտի կրնաք զինքը տեսնել:

Մուզ — Մե՛ղք որ զինքը չի տեսած պիտի մեկնիմ, իմ վերջին համբոյրս տարարողդ Ալէքսիս ճակատին դրոշմելէս ետքը, երկաթուղին չփախցնելու համար պէտք է որ աճապարեմ: Ուստի Պ. Ֆրէտէրիգը տեսնելով իմ կողմէս բարեխօսեցէք, շնորհակալութիւնս յայտնեցէք, ու թէ որ եղբորորդիս մանչ մուկ պարտքեր ըրած է, ինձի նամակաւ մը թող իմացնէ որ վճարեմ, ասկէց զատ, անոր ունեցած կարասիները գիրքերը թող ինձի դրկէ, իր յիշատակին համար պիտի պահեմ ու մխիթարուիմ. ուրեմն ազնիւ պարոն, ծղնէ ինձի որ վերջին համբոյրս դրոշմեմ:

Ֆրէ — Եկէք տէր իմ, թեւս մտէք, բայց կ'աղաչեմ, ինքզինքնիդ բռնեցէք որ գէշութիւն մը չպատահի ձեզի:

Մուզ — Ա՛հ, ինձի համար եղաւ ըլլալիք (Կր մօտենայ), ո՛, իմ երկու աչքերուս լոյս Ալէքսիս, ի՞նչպէս չի լամ քու երիտասարդութիւնդ, գեղեցկութիւնդ, ուսմունքդ, (Կր համբուրէ) հոգիդ թող հանդարտի, քաւեալ լիցին քեզ մեղքքո, ամեն ըրածներդ կը ներեմ, յաւիտենականութեան մէջ հոգիդ արդարներուն դասակից ըլլայ, մի՛ մոռնար դիս, Ալէքսի՛ս... Աղէկ միտքս եկաւ, Պ. սօքթօր, երկաթուղին ժամը քանիին կը մեկնի:

Տրէ — Ութ ու կէսին. 10 վայրկեան ժամանակ ունիք :

Մուզ (Իւար անցած) — Տասը վայրկեան մի, ուրեմն մեկ-
նիմ, բայց ա՛հ, ի՞նչպէս պիտի բաժնուիմ այս դազաղէն :

Տրէ — Թող երկինք մխիթարէ զձեզ, պարոն, ձեր յայտը
անոր վրայ դրէք, երկաթուղին չի փախցնելու համար աշ-
անապարեցէ՛ք, երթաք բարեաւ. շատ մի՛ լաք, մի՛ ողբաք,
ձեր եղբորորդին հիմա երկնից մէջ արդարոց բնակարանը
հանգչած է. երթաք բարեաւ :

Մուզ — Շնորհակալ եմ, Պ. տօքթօն, շնորհակալ եմ.
չի մոռնաք՝ իմ բարեւներս Պ. Տրէտէրիզին իմացնել :

Տրէ — Շատ աղէկ, շատ աղէկ, բայց կ'ուշանաք :

Մուզ — Ահա կ'երթամ: Տեսա՞ք, պիտի մոռնայի, իմ կող-
մէս աղաչեցէք Պ. Տրէտէրիզին որ օր մը իր այցելութեամբը
զիս պատուէ: (Անապարանձով կը մեկնի):

Ալէք (Տեղեկ ցատկելով) — Վերջապէ՛ս, գնաց :

Տրէ — Այո՛, գնաց. (Ալեքսի քրանչայա ըսելով կը պարէ),
ա՛յ, ա՛յ, ա՛յ, պառկէ՛, պառկէ, մարդը ետ դարձաւ: (Ալեքսի
կը ծուարի եւ հակառակ կողմը կը պառկի) ահ, հի՛ւ, հի՛ւ :

Մուզ (Կը մտնէ) — Ադ ի՞նչ է, դուք տակաւին կուլա՞ք :

Տրէ — Ո՛հ, քանի որ իր դէմքը կը դիտեմ, չեմ կրնար
արցունքս բռնել. բայց դուք ինչո՞ւ վերադարձաք :

Մուզ — Թթախոտի տուփս հոս մոռցեր եմ :

Տրէ — Առէք ուրեմն և ճամբէն մի՛ մնաք: (Կուտայ)

Մուզ — Հի՛ւ, հի՛ւ, գոնէ մէյ մ'ալ համբուրեմ զինքը,
նայնպէս և ձեզ (եղուկն ալ համբուրելէն ետք կը մեկնի):

Տրէ — Վերջապէ՛ս կորսուեցաւ: Ե՛լ նայինք, պարոն:

Ալէք — Ոչ, ոչ, մինչեւ որ աղէկ մը չի հեռանայ, տեղէս
չեմ երեւար :

Տրէ (Պատուհանէն նայելով) — Բայց ահա կառքը նստաւ
ու մեկնեցաւ :

Ալէք — Ուրեմն աչուրնիս լոյս, նորէն աշխարհք եկայ :

Տրէ — Այո, բայց միտքս բան մը եկաւ, հիմա որ դուն
մեռած ես հօրեղբորդ համար, ասկէ ետքը ի՞նչպէս պիտի
յաջողիս անոր ձեռքէն ստակ քաշել :

Ալէք — Շատ դիւրութեամբ. երբ նա իմանայ թէ մեր այս
ըրածը իրեն համար խաղ մ'էր և ես ամուսնացեր եմ Ֆլօ-
րինիս հետ, կաթուած պիտի իջնէ սրտին, ու ինքը որ ար-
դէն հիւանդոտ ծեր մ'է, շուտ մը անդիի աշխարհք պիտի

ճամբորդէ. իր ձգելիք հարստութեան միակ ժառանգորդը ես եմ, հետեւարար պիտի հարստանամ:

Ֆրէ — Ա՛յ չարածնի, չըսե՞ս, միշտ կատուի պէս չորս ոտքի վրայ պիտի իյնաս (Ներսէն աղջկանց ձայները կը լսուին)

Ալէք — Աս ինչ աղմուկ է:

Ֆրէ (Նայելով) Մերիններն են, հոս կուգան:

Տ Ե Ս Ի Լ Զ.

ՆՈՅՆՔ, ԱԼՖ., ՖՐԱՆ. ԽԻ ՕՐԻՈՐԴԻՔ, ԵՏՔԸ ՄՈՒԶԱՐ

Ալֆ — Ահա եկանք. անցած ըլլայ, միւսիւ Ալէքսի:

Ալէք — Շնորհակալ եմ:

(Ֆլորին — կը շնորհակարեմ այս յաջողութիւնդ, Ալէքսի:)
(Ալէք — Շնորհակալ եմ, Ֆլորինս, քու սիրոյդ համար մինչեւ անգամ մեռայ)

Ֆրան — Օն, ուրեմն, ի պար: *Handwritten signature*

Ամենքը — Այո՛, ի պար:

Ֆրէ — Ավանթի՛, մաւզիգ:

(Նուագածուները գատիլ մը կը զարնեն, ամենն ալ կը սկսին պարել, այն միջոցին Մուգար կը մտնէ եւ մեջտեղը կը կենայ. պարողները յանկարծակիի եկած, Ալէքսին չի ցուցնելու համար զայն կը քցապատեն):

Մուզ — Ինչո՞ւ կեցաք, պարոններ, շարունակեցէ՛ք. ո՞ւր է նայիմ սա անդիի աշխարհք ճամբորդող սրիկան (Կը փնտռէ կը գտնէ ու ականջէն փաշելով) հո՞ս ես պարոն, սղջնցա՞ր, թշուառական, հիմա ի՞նչպէս ձեռքէս պիտի ազատիս:

Ալէք (Շուկոյի վրայ) — Ա՛հ, սիրելի հորեղբայրս, գթութիւ՛ն, գթութի՛ւն:

Մուզ — Լռէ՛, թշուառական, լռէ՛. ալ ասկէ ետքը քու հորեղբայրդ չեմ. դուն ինձի համար մեռած ես. սուտ մեռել ըլլաս, այս տարիքիս մէջ զիս այնչափ հեռուներէն մինչեւ հոս բերես, ստակէ հանես ու մօրուքիս խնդաս, (Ամենուն) ես ձեր խաղալի՞քն եմ, թշուառականներ, հիմա արդարութեան պիտի յանձնեմ զձեզ:

Ֆրէ — Ո՛հ, տէր իմ, շնորհ, գթութի՛ւն:

Մուզ — Անդին կորսուէ՛, կօշիկիս կտորը, սօզթօռ, հէ՛քիթիդ ակնոց մը անցուներով կարծեցիր թէ պիտի խաբե՞ս զիս, բաղդախնդիր թշուառական:

Ալֆ — Ո՛հ, տէր իմ, ներողութի՛ւն, ներողութի՛ւն:

Մուզ — Վա՛յ, վա՛յ, վա՛յ, քսակահատ թշուառական,

դո՞ւն ալ մի հաս ես, ո՞վ կոկորդիլոս, ագուա միջալիս, տը
 չինալիս, վիզիթալիս, լատիչի սէմս, կ'ուտուի, չուտուիր,
 խելք չի հասնիր, վերջը չիգար. հէ՞, քեզի թշուառական,
 նզովից ծնունդ քեզի, ըսել է որ դուք առաջուց խօսք մէկ
 ըրած զիս սօթտելու ելեր էք. աղէկ, աղէկ, հիմակ ալ պատ-
 րաստուեցէք պատիժնիդ կրելու:

Ամենքը — Ո՛հ տէր իմ, գթութիւն:

Մուգ — Անդին կորսուեցէ՛ք:

Ալէք — Քանի որ այնչափ անգութ կ'ըլլաք մեզի, գո՞ւ
 իմ նշանածիս գթացէ՛ք:

Մուգ — Ի՞նչ, նշանածդ մի՛, ադ ի՞նչ ըսել է:

Ալէք — Ահա երկուքս ալ ծունդի վրայ եկած, կ'աղա-
 չենք (Ֆլօրիսի հետ ծունդի վրայ):

Մուգ — Ի՞նչ ըսիր, ի՞նչ, չհասկցայ: *Ի՞նչ այս նշանածի*

Ալէք — ~~Ի՞նչ նշանածս է այս. գթա՛ մեզի, հօրեղբայր:~~

Մուգ — Վա՛յ, առանց ինձի հարցնելու նշանուե՞ր ես ալ,
 շո՛ւտ, սատիկան մը:

Ամենքը (Աղաչելով) — Մի՛ ընէք, պարոն, գթացէ՛ք:

Մուգ — Չէ՛, անդին կորսուեցէ՛ք:

Ալէք — Էհ, քանի որ դուք այդչափ անգութ կ'ըլլաք, ես
 ալ այս վայրկեանիս ապրելէ պիտի դադրիմ ինքզինքս այ-
 րելով (Ճրագը կ'առնէ):

Ֆրէ (Ճրագը ձեռքէն առնելով) — Ի՞նչ կ'ընես, խենդեցա՞ր:

Մուգ — Չէ՛, չէ՛, ատանկ ձեւերդ ա՛լ կ'ըլլի չկայ, գերեզ-
 մանը բանալով եթէ մէջը մտնաս՝ նորէն չեմ հաւատար:

Ֆրէ — Բայց այս աստիճան անգթութիւն չըլլա՛ր. ահա կը
 խոստովանինք թէ յանցաւոր ենք, ներէ՛ ըսինք, բան մըն
 էր եղաւ, ալ ի՞նչ ընենք, այս ամենը որ ձեզի 150 ոսկիի
 եղաւ, չնչին գումար մ'է, այս աստիճան անգութ ըլլալու չէք:

Մուգ — Չնչին մի՛, կօշիկիս կտորը, դուն 150 ոսկի վաս-
 տրկած ունի՞ս:

Ֆրան — Ներեցէք տէր իմ, ամենքս ալ յանցաւոր ենք,
 ի՞նչ ընենք, բան մըն էր եղաւ, եկէ՛ք անյիշաչար եղիք և մե-
 զի դրկած գումարովնիդ Ալէքսիի ու Ֆլօրիսի հարսնիքը ընենք:

Մուգ — Անդին կորսուեցէ՛ք, անանկ բան չեմ ուզեր, ես
 յուզարկաւորութեան հանդէսի եկայ, հարսնիքի համար չեկայ:

Ալֆ — Մօսք մ'ալ ես ըսեմ, պարոն, եկէ՛ք «չէ» մի՛ ը-
 սէք, աղուորիկ հարսնիք մը ընենք:

Մուգ — Անդին կորսուէ, կօշիկիս կտորը, դուն ի՞նչ ե-

ընտով հետս կը խօսիս :

Ամենքը — Պարոն Մուզար, գթա՛ մի զի, գթա՛ :

Մուզ — Ամենեւի՛ն, մտիկ չեմ ըներ :

Ամենքը — Թողութիւն, թողութիւն, ո՛վ հայր Մուզար, գթութիւն : (Ու գայն գրկելով օդին մէջ կը բարձրացունեն)

Մուզ — Է՛, է՛, բաւական է, հանգիստ թողէք զիս, հաճութիւն տուի. (Մեկուսի) չի տամ ի՛նչ ընեմ, վերջապէս եղբօրորդիս է, իմ արիւնս ըսել է. (Բարձր) ահա հաճութիւն տուտամ, բայց դուն ալ խոստացիր որ նորէն ասանկ չարութիւն մը չպիտի ընես :

Ալէք. (Մուզարի ձեռքը պագնելով) — Ահա կը խոստանամ, իմ պաշտելի հօրեղբայրս :

(Ֆլօրին — Ես կ'երազխաւորեմ թէ այսուհետեւ ասանկ չունիմ չպիտի ընէ :

Մուզ (Ֆրէսերգին) — Պարոն ինքնակոչ տօբթօն, եկուք պիտե՛ս բազկեղակները անցում մը գնէ՛, նայինք ամուրիս գօթիս ագօրալիս ունի՞ն մի :

Ֆրէ — Ո՛չ : ո՛չ, ալ ասանկ բան մը չունիմ, վասն զի իրենց դեղն ու ճարը աղէկ գտան : *ճիշտ*

Մուզ — Ո՞ւր է նայինք սա առաւ փախաւ դեղագործը. տօբթօնին Վրդ դեղագիրը թող մէյ մ'ալ կարդա :

Ամենքը — Ահ-պարոն, անոր ալ ներեցէք :

Մուզ — Ուզի՞ս, մուզի՞ս, չուտվիր, խելք չի հասնիր, հէ՛ :

Ալէք — Անոր ալ ներէ հօրեղբայր իմ, ներէ՛ :

Մուզ — Այո՛, քեզի ներելէս ետքը, ուզեմ չուզեմ անոր ալ պիտի ներեմ. մինակ սա մէկ բանին խելքս չի հասաւ. պարահանդէս տալու համար երբոր իրար անցաք, մէջերնուդ գոնէ մէկը ստակ չունէ՞ր :

Ֆրէ — Ամենեւի՛ն :

Ալէք — Գրգռանքեմքեմքեմ :

Մուզ — Ըսել է որ ամենքնիդ ալ...

Ամենքը — Անկուտի՛ կնք, անկուտի՛ :

(Մուզար բարձրաձայն կը խնկայ, Դերասանք եւ Դերասանուհիք նուագարանին հետ կ'երգեն :


Բարեկենդանի անկուտիներն ենք,

Գիշեր ու ցորեկ մենք հով կը կլենք.

Տեսնողը՝ մեզ խիստ հարուստ կը կարծէ,

Կուչտը անօթիին վիճակն ի՛նչ գիտէ :

ՎԱՐԱԳՈՅՐԸ Կ'ԻՋՆԷ



442168



BIBLIOTHEQUE NATIONALE DE FRANCE



3 7513 02061087 8